



# PRESIDÊNCIA DO CONSELHO DE MINISTROS

VIII GOVERNO CONSTITUCIONAL



Gabinete  
Porta-Voz

## Komunikadu Imprensa

### Sorumutuk Konsellu Ministrus nian iha loron 13 fulan-novembru tinan 2020

Konsellu Ministru hala'ó sorumutuk Palásiu Governu, iha Dili, no aprova ona projetu Rezolusaun Governu nian, kona-ba **ezekusaun estratéjia descentralizasaun administrativa no instalasaun órgaun representativu sira ba Podér Lokál**, ne'ebé apresenta husi Ministru Administrasaun Estatál, Miguel Pereira de Carvalho. Atu nune'e, to'ó mandatu ikus Governu Konstitusionál da-VIII nian, bele alkansa Administrasaun ka Autoridade Munispál ida ho estatutu pesoa koletiva públika ho baze institusionál, no autarkia lokál. Rezolusaun Governu nian ida-ne'e mai atu define fila-fali asaun no rezultadu husi projetu balun, ne'ebé prevee ona iha estratéjia descentralizasaun administrativa, nune'e mós estabelese prazu foun sira, iha funsaun viabilidade no kapasidade ezekusaun asaun hirak ne'e nian.

Aprova mós Projetu Rezolusaun Governu nian ne'ebé autoriza Ministru Petróleu no Minerál, Victor da Conceição Soares, atu prosede **nomeasaun ba Jonianto Monteiro, hanesan kualidade Vogál nian ba Konsellu Direтиву Autoridade Nasionál Petróleu no Minerál**, ba mandatu tinan haat nian.

Konsellu Ministru delibera ona atu fó podér tomak ba Vise-Primeiru-Ministru no Ministru Planu no Ordenamentu, José Maria dos Reis, hafoin koordenaun ho Ministériu relevante sira, prosede asinatura **Akordu Asisténsia Gratuita entre Governu Timor-Leste no Governu Estados Unidus Amérika nian ba projetu rehabilitasaun konjunta Aeródromu Militar Baukau nian**.

Ikus liu, aprova ona projetu Deliberaun, ne'ebé apresenta husi Ministra Negósius Estranjeirus no Kooperasaun, Adalgiza Albertina Xavier Reis Magno, **ba atribuisaun Medalla Méritu, Títulu Póstumu ba Militar na'in lima husi Repúblika Koreia**, Membru sira husi Batallaun Sul-Koreanu ROKBATT VII, ne'ebé mate iha Timor-Leste, iha loron 23 fulan-outubru tinan 2003, hodi rekoñese no agrade se ba ninia kontributu ne'ebé signifikativu ba pás no estabilidade nasional. **REMATA**

